

宋  
名  
家  
詞

龍川詞

目錄

水調歌頭 四調

念奴嬌 三調

賀新郎 四調

滿江紅 一調

桂枝香 一調

三部樂 二調

瑞雪濃慢 一調

阮郎歸 一調

祝英臺近 二調

蝶戀花 一調

卜算子 一調

垂絲釣 一調

青身譜  
彩鳳飛

調

鷓鴣天

一調

謁金門

調

天仙子

一調

洞仙歌

調

踏莎行

一調

南鄉子

調

點絳脣

一調

補目錄

水龍吟

調

洞仙歌

一調

虞美人

調

眼兒媚

一調

思佳客

調

清平樂

一調

滴滴金

一調

龍川詞目

二

汲古閣

龍川詞目錄

終

龍川詞

宋 陳 亮

水調歌頭

送章德茂  
大卿使虜

不見南師久謾說北羣空當場隻手畢竟還我  
萬夫雄自笑堂堂漢使得似洋洋河水依舊只  
流東且復穹廬拜會向藁街逢 堯之都舜之  
壤禹之封于中應有一個半個恥臣戎萬里腥  
膾如許千古英靈安在磅礴幾時通胡運何須

問赫日自當中

又

癸卯九月十五日  
壽朱元晦

人物從來少籬菊爲誰黃去年今日倚樓還是  
聽行藏未覺霜風無賴好在月華如水心事楚  
天長講論叅洙泗盃酒到虞唐人未醉歌宛  
轉興悠揚太平胸次笑他磊砢欲成狂且向武  
夷深處坐對雲煙開歛逸思入微茫我欲爲君  
壽何許得新腔

又

和吳允成  
遊靈洞韻

人愛新來景龍認舊時  
湫不論三伏小住便覺  
凜生秋我自醉眠其上  
任是水流其下湍激若  
爲收世事如斯去不去  
爲誰留 本無心隨所  
寓觸虛舟東山始末且  
向靈洞與沈浮料得神  
仙窟穴爭似提封萬里  
大小幾琉球但有君才  
具何用問時流

又

和趙  
周錫



青川詩  
二  
事業隨人品今古幾麾旌向來謀國萬事盡出  
汝書生安識鴟鵂變化九萬里風在下如許上  
南溟斥鴳旁邊笑河漢一頭傾 嘆世間多少  
恨幾時平霸圖消歇大家創見又成驚邂逅漢  
家龍種正爾身紗白紵馳騫覺身輕樽酒從渠  
說雙眼爲誰明

念奴嬌

至金陵

江南春色算來是多少勝遊清賞妖冶廉纖只

做得飛鳥向人偎傍地關天開精神朗慧到底  
還京樣人家小語一聲聲近清唱因念舊日  
山城個人如画已作中州想鄧禹笑人無限也  
冷落不堪惆悵秋水雙明高山一弄著我些悲  
壯南徐好住片帆有分來往

又

登多  
景樓

危樓還望嘆此意今古幾人曾會鬼設神施渾  
認作天限南疆北界一水橫陳連崗三面做出

爭雄勢六朝何事只成門戶私計 因笑王謝  
諸人登高懷遠也學英雄涕憑却江山管不到  
河洛腥膻無際正好長驅不須反顧尋取中流  
誓小兒破賊勢成寧問疆對

又 送戴少望  
望叅選

西風帶暑又還是長途利牽名役我已無心君  
因甚更把青衫爲客邂逅早飛幾時高舉不露  
真消息大家行處到頭須管行得 何處尋取

狂徒可能著意更問渠儂骨天上人間最好是  
開裏一般岑寂瀛海無波玉堂有路穩著青霄  
翼歸來何事眼光依舊生碧

賀新郎

同劉元實唐與  
正陪葉丞相飲

脩竹更深處映簾櫳清陰障日坐來無暑水激  
泠泠知何許跳碎危欄玉樹都不繫人間朝暮  
東閣少年今老矣況樽中有酒嫌推去猶著我  
名流語 大家綠野陪容與筭等閑過了薰風

又還商素手弄柔條人健否猶憶當時雅趣恩  
未報恐成辜負舉目江河休感涕念有君如此  
何愁虜歌未罷誰來舞

又

寄辛幼安  
和見懷韵

老去憑誰說看幾番神奇臭腐夏裘冬葛父老  
長安今餘幾後死無讐可雪猶未燥當時生髮  
二十五弦多小恨算世間那有平分月胡婦弄  
漢宮瑟 樹猶如此堪重別只使君從來與我

話頭多合行矣置之無足問誰換妍皮癡骨但  
莫使伯牙絃絕九轉丹砂牢拾取管精金只是  
鐵龍共虎應聲裂

又

酌辛幼安再用韵見寄

離亂從頭說愛吾民金繒不愛蔓藤纍葛壯筆  
盡消人脆好冠蓋陰山觀雪虜殺我一星星髮  
涕出女吳成倒轉問魯爲齊弱何年月丘也幸  
由之瑟 斬新換出旗麾別把當時一椿大義

拆開収合據地一呼吾往矣萬里搖肢動骨這  
話霸只成癡絕天地洪爐誰扇韜算于中安得  
長堅鐵淝水破關東裂

又

懷辛幼安  
用前韵

話殺渾閑說不成教齊民也解爲伊爲葛樽酒  
相逢成二老却憶去年風雪新著了幾莖華髮  
百世尋人猶接踵嘆只今兩地三人月寫舊恨  
向誰瑟 男兒何用傷離別況古來幾番際會

風從雲合千里情親長晤對妙體本心次骨臥  
百尺高樓斗絕天下適安耕且老看買犁賣劔  
平家鐵壯士淚肺肝裂

滿江紅

懷韓子  
師尚書

曾洗乾坤問何事雄圖頓屈試著眼階除當下  
又添英物北向爭衡幽憤在南來遺恨狂酋失  
算淒涼部曲幾人存三之一 諸老盡郎君出  
恩未報家何恤念橫飛直上有時還戢笑我只



知存飽煖感君原不論階級休更上百尺舊家  
樓塵侵帙

桂枝香

觀木樨有感  
寄呂郎中

天高氣肅正月色分明秋容新沐桂子初收三  
十六宮都足不辭散落人間去怕羣花自嫌凡  
俗向他秋晚喚回春意幾曾幽獨是天公餘  
香賸馥怪一樹香風十里相續坐對花旁但見  
色浮金粟芙蓉只解添愁思況東籬淒涼黃菊

入時太淺背時太遠愛尋高躅

三部樂

七月送丘宗卿使虜

小屈穹廬但二滿三平共勞均佚人中龍虎本  
爲明時而出只合是端坐王朝看指揮整辦埽  
蕩飄忽也持漢節聊過舊家宮室西風又還  
帶暑把征衫著上有時披拂休將看花淚眼聞  
絃骨對遺民有如皎日行萬里依然故物入奏  
幾策天下裏終定于一

又

七月廿六日  
壽王道甫

入脚西風漸去去來來早三之一春花無數畢  
竟何如秋實不須待名品如麻試爲君屈指是  
誰層出十朝半月爭看搏空霜鶻從來別真  
共假任盤根錯節更饒倉卒還他濟時好手封  
侯奇骨沒些兒嬾姍勃窣也不是崢嶸突兀百  
二十歲管做徹元分人物

瑞雪濃慢

六月十一日  
壽羅春伯

蔗漿酪粉玉壺冰  
醮朝罷更聞宣賜去天咫尺  
下拜再三幸今有母可遺年年此日共道月入  
懷中最貴向暑天正風雲會遇有恁嘉瑞鶴  
冲霄魚得水一超便直入神仙地植根江表開  
拓兩河做得黑頭公未騎鯨赤手問何如長鞭  
尺箠向來王謝風流只今管是

阮郎歸

重午壽  
外舅

波光渺渺浸晴陂  
有亭湖岸西  
芰荷香拂柳絲

垂升堂獻壽卮 紅約腕綠侵衣願祝屆期頤  
花間妙語欲無詩 一年歌一詞

祝英臺近

六月十一日送葉正則如江陵

駕扁舟衝劇暑千里江上去夜宿晨興一一舊  
時路百年忘了旬頭被人饒破故紙裏是爭雄  
處 怎生訴欲待細與分疏其如有憑據包裹  
生魚活底怎遭遇相逢樽酒何時征衫容易君  
去也自家須住

又九月一日  
壽俞德載

嫩寒天金氣雨攬斷一秋事全樣霏微還作小  
晴意世間萬寶都成些兒無欠只待與黃花爲  
地好招致對此鬱鬱蔥蔥新蕩未成醉番手  
爲雲造物等兒戲也知富貴來時一班呈露便  
做出人中祥瑞

蝶戀花

甲辰壽  
元晦

手撚黃花還自笑笑比淵明莫也歸來早隨世

功名渾草草五湖却共繁華老  
冷淡家生寬  
得道旖旎妖嬈春夢如今覺  
管今歲華須到了  
此花之後花應少

卜算子

九月十八日  
壽徐子才

悄靜菊花天洗盡梧桐雨  
倍九週遭爛熳開  
祝  
壽當頭取  
頂戴御袍黃  
疊秀金稜吐仙種  
花  
容晚節香人願  
爭先覩

垂絲釣

九月七日  
自壽

菊花細雨蕭蕭紅蓼汀渚景物漸幽風致如許  
秋未暮又值吾初度看天宇正澄清欲往登  
高未也紅塵當面飛舞幾人吊古烏帽牢收取  
短髮還羞覩遐壽身近五雲深處

彩鳳飛

一作彩鳳舞。七月十六日壽錢伯同

人立玉天如水特地如何撰海南沈燒著欲寒  
猶煥算從頭有多少厚德陰功人家上一一舊  
時香案照經慣小駐吾州纔爾依然歡聲滿



莫也教公子王孫眼見這些兒穎脫處高出書  
卷經綸自入手不了判斷

鷓鴣天

懷王  
道甫

落魄行歌記昔遊頭顱如許尚何求心肝吐盡  
無餘事口腹安然豈遠謀 纔怕暑又傷秋天  
涯夢斷有書不大都眼孔新來淺羨爾微官作  
計周

謁金門

送徐子宜  
如新安

新雨足洗盡山城裊裊見說好峯三十六峯峯  
如立玉 四海英遊追逐事業相時伸縮入境  
德星須做福只愁金詔趣

天仙子

七月十五日  
壽內

一夜秋光先著柳暑力平明羞失守西風不放  
入簾幃饒永晝沈煙透半月十朝秋定否 指  
點芙蓉凝佇久高處成蓮溪處藕百年長共月  
團圓女進酒男稱壽一點浮雲人似舊

龍川詞

十一

汲古閣

洞仙歌

丁未壽  
朱元晦

秋容一洗不受凡塵泥許大乾坤這回大向上  
頭些子是鷓鴣搏空籬底下只有黃花幾朵

騎鯨汗漫那得人同坐赤手丹心撲不破問唐  
虞禹湯武多少功名猶自是一點浮雲鏟過且  
燒却一瓣海南沈任拈取千年陸沈奇貨

踏莎行

懷葉八  
十推官

書冊如仇舊遊渾諱有懷不斷人應異千山上

去夢魂輕片帆似下蠻溪水  
已共酒盃長豎  
海誓見君忽忘花前醉  
從來解事苦無多不知  
解到毫芒未

南鄉子

謝永嘉諸  
友相餞

人物滿東甌別我江心識俊遊  
北盡平蕪南似  
畫中流誰繫龍驤萬斛舟  
去去幾時休猶是  
潮來更上頭醉墨淋漓人感舊  
離愁一夜西風  
似夏不

點絳脣

詠梅

一夜相思水邊清淺橫枝瘦小窗如畫情共香  
俱透清入夢魂千里人長久君知否雨霽雲  
慙格調還依舊

同甫一名同永康人光宗策進士群臣奏  
其卷第三御筆擢第一既知為同甫大喜  
又有天留遺朕之詔其恩遇如此據葉水  
心序其集云四十卷今行本止三十卷想

尚多佚遺其最著者莫如上皇帝四書及  
酌古論自贊云人中之龍文中之虎真無  
忝矣第本集載詞選三十闋無甚詮次如  
寄辛幼安賀新郎三首錯見前後予家藏  
龍川詞一卷又每調類分未知孰是讀至  
卷終不作一妖語媚語殆所稱不受人憐  
者歟湖南毛晉識

龍川詞終

龍川詞補

水龍吟

春恨

鬧花深處層樓画簾半捲東風軟春歸翠陌平  
莎茸嫩垂楊金淺遲日催花淡雲閣雨輕寒輕  
煥恨芳菲世界游人未賞都付與鶯和燕 寂  
莫憑高念遠向南樓一聲啼雁金釵鬪草青絲  
勒馬風流雲散羅綬分香翠綃封淚幾多幽怨  
正銷魂又是疎煙淡月子規聲斷



洞仙歌

雨

瑣窗秋暮夢高唐人困獨立西風萬千恨又檐  
花落處滴碎空堦芙蓉院無限秋容老盡 枯  
荷摧欲折多少離聲鎖斷天涯訴幽悶似蓬山  
去後方士來時揮粉淚點點梨花香潤斷送得  
人間夜霖鈴更葉落梧桐孤燈成暈

虞美人

春愁

東風蕩颺輕雲縷時送蕭蕭雨水邊臺榭燕新

歸一口香泥溼帶落花飛  
海棠糝徑鋪香繡  
依舊成春瘦黃昏庭院柳啼鴉  
記得邨人和月  
折梨花

眼兒媚

春愁

試燈天氣又春來  
難說是情懷  
寂寥聊似揚州  
何遜不爲江梅  
扶頭酒醒  
爐香燧心緒未全  
灰愁人最是黃昏前後  
煙雨樓臺

思佳客

春感

花拂闌干柳拂空花枝綽約柳鬟鬆蝶翻淡碧  
低邊影鶯囀濃香杪處風深院落小簾櫳尋  
芳猶憶舊相逢橋邊攜手歸來路踏皺殘花幾  
片紅

清平樂

秋晚伯成兄往龍興山中意其登山臨水不無閨房之思作此詞惱

之

銀屏繡閣不道鮫綃薄嘶騎囟囟塵漠漠還過  
夕陽村落亂山千疊無情今宵遮斷愁人兩

處香消夢覺一般曉月秋聲

滴滴金

斷橋雪霽聞啼鳥對林花弄晴曉  
画角吹香客愁醒見稍頭紅小  
團酥剪蠟知多少向風前  
壓春倒江嶂人煙画圖中有短蓬香繞

余正喜同甫不作妖語媚語偶閱中興詞  
選得水龍吟以後七闋亦未能超然但無  
一調合本集者或云贗作益花菴與同甫

俱南渡後人何至誤謬若此或花菴專選  
綺艷一種而回甫子說所編本集特表阿  
翁磊落骨幹故若出二手况本集云詞選  
則知同甫之詞不止於三十闋即補此花  
菴所選亦安得云全豹耶姑梓之以俟博  
雅君子湖南毛晉又識

龍川詞補

終

姑溪詞

目錄

水龍吟

一調

驀山溪

四調

滿庭芳

二調

玉蝴蝶

一調

早梅芳

一調

謝池春

一調

怨三三

一調

春光好

一調

千秋歲

六調

臨江仙

二調

江神子

三調

清平樂

五調

浪淘沙

一調

卜算子

一調

憶秦娥

一調

蝶戀花

一調

浣溪沙

四調

西江月

三調

鵲橋仙

二調

踏莎行

二調

鷓鴣天

四調

朝中措

三調

阮郎歸

一調

採桑子

一調

如夢令

一調

臨江仙

二調

醜奴兒

一調

青玉案

一調

更漏子

一調

漁家傲

一調

南鄉子

五調

驀山溪

一調

減字木蘭花

五調

天門謠

一調

好事近

三調

浣溪沙

三調

菩薩蠻

二調

雨中花令

二調

留春令

一調

踏莎行

三調  
二調  
逸



姑溪詞目錄

終

姑溪詞

宋 李之儀

水龍吟

中秋

晚來輕拂遊雲盡捲霽色寒相射銀潢半掩秋  
毫欲數分明不夜玉瑄傳聲羽衣催舞此歡難  
借凜清輝但覺圓光罩影冰壺瑩真無價 聞  
道水精宮殿蕙爐薰珠簾高挂瓊枝半倚瑤觴  
更勸鸞嬌燕姁目斷魂飛翠縈紅遶空冷小砑

想歸來醉裡鸞篋鳳朶倩何人卸

慕山溪

次韻徐

神仙院宇記得春歸後蜂蝶不勝閑惹殘香縈  
紆深透玉徽指穩別是一般情方永晝因誰瘦  
都爲天然秀 桐陰未減獨自携芳耐再弄想  
前歡拊金樽何時似舊憑誰設與潘鬢轉添霜  
飛隴首雲將皺應念相思久

又

北觀避暑  
次明叔韻

金柔火老欲避幾無地誰借一簷風鎖幽香惜  
情清邃瑤階珠砌如膜遇金篦流水外落花前  
豈是人能致 擘纈泛玉笑語皆真類惆悵月  
邊人駕雲輶何方適意么絃咽處空感舊時聲  
蘭易歇恨偏長魂斷成何事

又

采石  
值雪

蛾眉亭上今日交冬至已報一陽生更佳雪因  
時呈瑞勻飛密舞都是散天花山不見水如山

渾在冰壺裏 平生選勝到此非容易  
弄月與燃犀 漫勞神徒能驚世爭  
如此際天意巧相符 須痛飲慶難逢  
莫訴厭厭醉

又

晚來寒甚密雪穿庭戶 如在廣寒宮  
驚兩目瑤林瓊樹 佳人乘興應是得歡多  
泛新聲催金盞 別有留心處 爭知這裡  
沒箇人言語撥盡火 邊灰攪愁腸  
飛花舞絮憑誰子 細說與此時情

歡斲歌酒微醺還解相思否

滿庭芳

八月十六夜景修詠  
東坡舊詞因韵成此

一到江南三逢此夜舉頭羞見嬋娟黯然懷抱  
特地遣誰寬分外清光潑眼迷滉漾無計拘攔  
天如洗星河盡掩全勝異時看 佳人還憶否  
年時此際相見方難謾紅綾偷寄孤被添寒何  
事佳期再覩翻悵望重疊關山歸來呵休教獨

自腸斷對團圓

姑溪詞

三

涉古閣

又

有碾龍團爲供求詩  
者作長短句報之

花陌千條珠簾十里夢中還是揚州月斜河漢  
曾記醉歌樓誰賦紅綾小砑因飛絮天與風流  
春常在仙源路隔空自泛漁舟 新秋初雨過  
龍團細碾雪乳浮甌問慙勤何處特地相留應  
念長門賦罷消渴甚無物堪酌情無盡金扉玉  
榜何日許重遊

玉蝴蝶

九月十日將登黃山遽爲雨阻遂  
飲敝止陳君俞獨不至已而以三

閱見寄輒

次其韵

坐久燈花開盡暗驚風葉初報霜寒冉冉年華  
催算顏色非丹攪回腸蛩吟似織留恨意月彩  
如攤慘無歡篆煙縈素空轉雕盤何難別來  
幾日信沉魚鳥情滿關山耳邊依約常記巧語  
綿蠻聚愁窠蜂房未密傾淚眼海水猶慳奄更  
關漸移銀漢低泛簾顏

早梅芳

姑蘇詞

汲古閣



雪初晴寒將變已報梅梢暝日邊霜外迤邐枝  
條自柔軟嫩苞勻點綴綠萼輕裁剪隱深心□  
□未許清香散漸融和開欲遍密處疑無間  
天然標韻不與羣花鬪深淺夕陽波似動曲水  
風猶嬾最銷魂弄影無人見

謝池春

殘寒銷盡疎雨過清明後花徑欸餘紅風沼縈  
新皺乳燕穿庭戶飛絮沾襟袖正佳時仍晚晝

著人滋味真箇濃如酒 頻移帶眼空只恁厭  
厭瘦不見又思量見了還依舊爲問頻相見何  
似長相守天不老人未遇且將此恨分付庭前  
柳

怨三三

登姑熟堂寄舊  
遊用賀方回韵

清溪一派瀉揉藍岸草氍毹記得黃鸝語画簷  
喚狂裡醉重三 春風不動垂簾似三五初圓  
素蟾鎮淚眼廉纖何時歌舞再和池南

春光好

霜壓曉月收陰斗寒深看盡燭花金鴨冷捲殘  
衾 卯酒從誰細酌餘香無計重尋空把夜來  
相見夢寫文琴

千秋歲

深簾靜晝綽約閨房秀鮮衣楚製非文綉凝脂  
膚理膩削玉腰圍瘦閑舞袖回身昵語凭肩久  
眉壓橫波皺歌斷青青柳釵遽擘壺頻叩鬢

棲清鏡雪淚漲芳樽酒難再偶沉沉夢峽雲歸  
後

又

柔腸寸折解袂留清血藍橋動是經年別掩門  
春絮亂欹枕秋蛩咽檀篆滅鴛衾半擁空床月  
妝鏡分來缺塵污菱花潔嘶騎遠鳴機歇密  
封書錦字巧綰香囊結芳信絕東風半落梅梢

雪

又

萬紅暄晝占盡人間秀怎生圖画如何繡宜推  
蕭史伴消得東陽瘦垂窄袖花前鎮憶相携久  
淚裏回紋皺好在章臺柳洞戶隔憑誰叩寄  
聲雖有雁會面難同酒無計偶蕭蕭暮雨黃昏  
後

又

休嗟磨折看取羅巾血殷勤且話經年別庭花

番悵望簷雨同嗚咽  
明半滅燈情夜夜多如月  
無復傷離缺共保冰霜潔  
不斷夢從今歇收  
回書上絮解盡眉頭結  
猶未絕金徽泛處應能  
雪

又

中秋才過又是重陽到  
露乍冷寒將報綠香摧  
渚芰黃蜜攢庭草人未老  
藍橋謾促霜砧搗  
照影闌缸暈破戶銀蟾小  
樽在眼從誰倒強鋪

同處被想卸歡時帽須信道  
狂心未歇情難老

又

深秋庭院殘暑全消退  
天幕迴雲容碎地偏人  
罕到風慘寒微帶初睡起  
翩翩戲蝶飛成對

歎息誰能會猶記逢傾蓋  
情斲遣心常在沈沈  
音信斷冉冉光陰改  
紅日晚仙山路隔空雲海

臨江仙

知有閨風花解語從來祇許  
傳聞光明休詠漢

宮新擁身疑有月  
窺步恨無雲  
莫把金樽容  
易勸坐來幾度  
銷魂不知仙骨  
在何人好將千  
歲日占斷四時春

又

九十日春都過了  
尋常偶到江皋  
水容山態兩  
相饒草平天一色  
風暝燕雙高  
酒病耿耿何  
計卸飛紅  
送無聊鶯聲  
猶似耳邊嬌  
難回巫  
峽夢空恨  
武陵桃



姑溪詞

八

汲古閣

江城子

惱人天氣雪消時  
落梅飛日初遲  
小閣幽窗時節聽黃鸝  
新洗頭來嬌困甚  
才試著夾羅衣  
木梨花拂淡燕脂  
翠雲欹歛雙眉  
月淺星深天淡玉繩低  
不道有人腸斷也  
渾不語醉如癡

又

今宵莫惜醉顏紅  
十分中且從容  
須信歡情回首似旋風  
流落天涯頭白也  
難得是再相逢

十年南北感征鴻  
恨應同苦重重休把愁懷容  
易倒書空只有琴樽堪寄老  
除此外盡蒿蓬

又

關干拍遍等新紅  
酒頻中恨凶凶投得花開還  
報夜來風惆悵春光留不住  
又何似莫相逢  
月窗何處想歸鴻  
與誰同意千重婉思柔情一  
旦摠成空彷彿么絃猶在耳  
應爲我首如蓬

清平樂

情

姑溪詞

九

汲古閣

西江霜後萬點暄晴畫  
璀璨寄來光欲溜  
正值文君病酒  
画屏斜倚窗紗  
睡痕猶帶朝霞爲  
問清香絕韵何如解語梅花

又

蕭蕭風葉似與更聲接  
欲寄明璫非爲怯  
夢斷蘭舟桂楫  
學書只寫鴛鴦  
却應無奈愁腸安  
得一雙飛去春風芳草池塘

又

聽楊  
絲琴

殷懃仙友勸我千年酒一曲履霜誰與奏解逅  
麻姑妙手坐來休歎塵勞相逢難似今朝不  
待親移玉指自然癢處都消

又

再和

當時命友曾借鄰家酒舊曲不知何處奏夢斷  
空思織手却應去路非遙今朝還有明朝謾  
道人能化石須知石被人消

又

古溪詞

汲古閣

仙家庭院紅日看看晚一朶梅花挨枕畔玉指  
幾回拈看擁衾不比尋常天涯無限思量看  
了又還重嗅分明不爲清香

浪淘沙

琴

霞捲雲舒月淡星疎摩徽轉軫不曾虛彈到當  
時留意處誰是相如魂斷酒家壚路隔雲衢  
舞鸞鏡裏早妝初擬學画眉張內史略借工夫

卜算子

我住長江頭君住長江尾日日思君不見君共  
飲長江水此水幾時休此恨何時已只願君  
心似我心定不負相思意

憶秦娥

川太  
白韻

清溪咽霜風洗出山頭月山頭月迎得雲歸還  
送雲別不知今是何時節凌歊望斷音塵絕  
音塵絕帆來帆去天際雙闕

蝶戀花

天淡雲閒晴晝永庭戶深沉滿地梧桐影骨冷  
魂清如夢醒夢回猶是前時景取次盃盤催  
醑酌醉帽頻欹又被風吹正踏月歸來人已靜  
恍疑身在蓬萊頂

又

玉骨冰肌天所賦似與神仙來作煙霞侶枕畔  
拈來親手付書窗終日常相顧幾度離披留  
不住依舊清香只欠能言語再送神仙須愛護

他時却待親來取

又

萬事都歸一夢了曾向邯鄲枕上教知道百歲  
年光誰得到其間憂患知多少無事且頻開  
口笑縱酒狂歌銷遣閑煩惱金谷繁華春正好  
玉山一任樽前倒

又

爲愛梅花如粉面天與工夫不似人間見幾度



拈來親比看工夫却是花枝賤  
見得歸來臨  
几硯盡日相看默默情無限  
更不嗅時須百遍  
分明銷得人腸斷

浣溪沙

梅

剪水開頭碧玉條能令江漢客魂銷  
只應香信  
是春潮  
戴了又羞緣我老折來同嗅許誰招  
憑將此意問妖嬈

又

爲楊  
妹作

玉室金堂不動塵  
林梢綠遍已無春  
清和佳思一番新  
道骨仙風雲外侶  
煙鬟霧鬢月邊人  
何妨沉醉到黃昏

又

和再

依舊琅玕不染塵  
霜風吹斷笑時春  
一簪華髮爲誰新  
白雪幽蘭猶有韻  
鵲橋星渚可無人  
金蓮移處任塵昏

又

古溪詞

汲古閣

昨日霜風入絳帷  
油房深院繡簾垂  
屏風幾曲畫生枝  
酒韻漸濃歡漸密  
羅衣初試漏初遲  
已涼天氣未寒時

西江月

橘

昨夜十分霜重  
曉來千里書傳  
吳山秀處洞庭邊  
不夜星□初徧  
好事寄來禪侶  
多情將送琴仙  
爲憐佳果稱嬋娟  
一笑聊回媚眼

又

醉透香濃斗帳燈深月淺回廊當時背面兩  
悵何況臨風懷想舞柳經春祇瘦遊絲到地  
能長鴛鴦半調已無腸忍把么絃再上

又

念念欲歸未得迢迢此去何求都緣一點在心  
頭忘了霜朝雪後要見有時有夢相思無處  
無愁小窗若得再綉繆應記如今時候

鵲橋仙

風清月瑩天然標韵自是閨房之秀情多無那  
不能禁常是爲而今時候綠雲低擺紅潮微  
上畫幕梅寒初透一般偏更惱人深時更把眉  
兒輕皺

又

宿雲收盡纖塵不警萬里銀河低挂清冥風露  
不勝寒無計學雙鸞竝駕玉徽聲斷寶釵香  
遠空賦紅綾小砑瘦郎知有幾多愁怎奈向月

明今夜

踏莎行

綠遍東山寒  
歸西渡分明  
認得香風處  
風輕雨  
細更愁人  
高唐何在  
空朝暮  
離恨相尋  
酒狂  
無素柳條  
又折年時  
數一番情  
味有誰知  
斷魂  
還送征帆去

又

還是歸來  
依前問渡  
好風引到  
經行處  
幾聲啼

姑溪詞

汲古閣

鳥又催耕草長柳暗春將暮  
潦倒無成疎慵  
有素且陪野老酬天數多情惟有面前山不隨  
流水來還去

鷓鴣天

節是重陽却斗寒  
不堪風雨累尋懽  
雖辜早菊  
同高柳聊揖殘蕉共小欄  
浮螿嫩炷煙盤恨  
無鶯唱舞催鸞空驚絕韻  
天邊落不許韶顏  
裏看

又

濃麗妖妍不是妝十分風豔奪韶光牡丹開就  
應難比繁富猶疑過海棠須仔細更端相爛  
霞梳暈帶朝陽千金未足耐真賞一度相看一  
斷腸

又

避暑佳人不著妝水晶冠子薄羅裳摩綿撲粉  
飛瓊屑瀝蜜調冰結絳霜隨定我小蘭堂金



盆盛水遶牙牀時時浸手心頭熨受盡無人知  
處涼

又

收盡微風不見江分明天水共燈光由來好處  
輸閑地堪嘆人生有底忙心旣遠味偏長須  
知粗布勝無裳從今認得歸田樂何必桃源是  
故鄉

朝中措

膺窮天際傍危欄密雪舞初殘表裏江山如画  
分明不似人間 功名何在文章漫興空嘆流  
年獨恨歸來已晚半生孤負漁竿

又

暮山環翠繞層欄時節歲將殘遠雁不傳家信  
空能嘹唳雲間 客程無盡歸心易感誰與忘  
年早晚臨流凝望幾帆催卸風竿

又

古溪詞

及古詞

翰林豪放絕拘攔  
虱月感彫殘  
一旦荆溪仙子  
筆頭喚聚時間  
錦袍如在雲山頓改宛似當年  
應笑溧陽衰尉  
鮎魚依舊懸竿

阮郎歸

朱唇玉羽下蓬萊  
佳時近早梅  
惜花情味久安  
排枝頭開未開  
魂欲斷恨難裁  
香心休見猜  
果如何遜是仙才  
何妨入夢來

朱唇玉羽湖湘間謂之倒挂子

嶺南謂之梅花使  
十二月半方出

採桑子

相逢未幾還相別此恨難同細雨濛濛一片離  
愁醉眼中 明朝去路雲霄外欲見無從滿袂  
仙風空託雙鳧作信鴻

如夢令

回首燕城舊苑還是翠深紅淺春意已無多斜  
日滿簾飛燕不見不見門掩落花庭院

臨江仙

金陵凌歊臺感懷

偶向凌歊臺上望春光已過三分江山重疊倍  
銷魂風花飛有態煙絮墜無痕 □ □ □ □ □ □  
□ □ □ □ □ 舊恨仍存清愁滿眼共誰論却應臺  
下草不解憶王孫

又 景修席  
上再賦

難得今朝風日好春光佳思平分雖然公子暗  
招魂其如擡眼看都是舊時痕 酒到強尋歡  
日路坐來誰爲溫存落花流水不堪論何時絃

上意重爲拂桐孫

醜奴兒

謝人寄  
蠟梅

春風似有燈前約先報佳期點綴相宜天氣猶  
寒蝶未知嫩黃染就蜂鬚巧香壓團枝淡注  
仙衣方士臨門未起時

青玉案

用賀方回韵  
有所禱而作

小篷又泛曾行路這身世如何去去了還來知  
幾度多情山色有情江水笑我歸無處夕陽

沽溪詞

汲古閣

杳杳還催暮練淨空吟謝郎句試禱波神應見  
許帆開風轉事諧心遂直到明年雨

更漏子

借陳君  
俞韻

暑方煩人似愠悵望林泉幽峻情會處景偏長  
心清聞妙香 寶幢低金鑲碎竹影桐陰窗外  
新事舊舊愁新空嗟不見人

漁家傲

洗盡秋容天似瑩星稀月淡人初靜策杖縈紆

尋遠徑披昏暝隄邊犢母閑相並  
遙想去舟魂欲凝一番佳息從誰詠  
顛顛歸來如獨醒知何境沉沉但覺煙村迥

南鄉子

春後雨餘天  
姪姘黃鸝勝品絃  
榴葉千燈初報  
暑階前  
祇有茶甌味最便  
身世幾踟躕  
自覺年來更可憐  
欲問此情何所似  
緣延看取窗間  
墜柳綿



又

夏日作

綠水滿池塘，點水蜻蜓避。燕忙杏子壓枝黃，牛  
熟隣牆風送荷花幾陣香。角簾襯牙床汗透，  
鮫鮪畫影長。點滴芭蕉疎雨過，微涼画角悠悠。  
送夕陽

又

睡起繞回塘，不見銜泥燕子忙。前圃花梢都綠，  
遍西牆猶有輕風遞暗香。步嬾恰尋床卧看

遊絲到地長自恨無聊常病酒淒涼豈有才情  
似沈陽

又

午端

小雨溼黃昏重午佳辰獨掩門巢燕引雛渾去  
盡銷魂空向梁間覓宿痕客舍宛如村好事  
無人載一樽唯有鶯聲知此恨殷勤恰似當時  
枕上聞

又

古奚詞

汲古閣

淚眼轉添昏去路迢迢隔院門角黍滿杆無意  
舉凝魂不爲當時澤畔痕腸斷武陵村骨冷  
難同月下樽強泛菖蒲酬令節空勤風葉蕭蕭  
不忍聞

驀山溪

少孫詠魯直長  
沙舊詞因次韵

青樓薄倖已分終難偶尋徧綺羅間諂無箇眼  
中翹秀江南春曉花發亂鶯飛情漸透休辭瘦  
果有人相候醉鄉路穩常是身偏後誰謂正

歡時把相思番成紅豆千言萬語畢竟摠成虛  
章臺柳青青否魂夢空搔首

減字木蘭花

亂魂無據黯黯只尋來處路燈盡花殘不覺長  
更又向關 幾回枕上郵件不曾留夢想變盡  
星星一滴秋霖是一莖

又

隄長春晚冉冉渾如雲外見欲語無門略許鬢

聲隔岸聞 錦屏繡幌猶待歸來留一餉何事  
遲遲直恐遊絲惹住伊

又

瑩中詞云世間拘礙人不堪時渠不改古有  
斯人千載誰能繼後塵 春風入手樂事自  
應隨處有與衆熙怡何似幽居獸樂時

觸塗是礙一任浮沉何必改有箇人人自說居  
塵不染塵 謾誇千手千物執持都是有氣候

融怡還取青天白日時

又

次韵陳瑩中題  
韋深道寄傲軒

瑩中詞云結廬人境萬事醉來都不醒鳥倦  
雲飛兩得無心揔是歸 古人逝矣舊日南  
窗何處是莫負青春卽是昇平寄傲人

莫非魔境強向中間我獨醒一葉纔飛便覺年  
華大半歸 醉云可矣認著依前還不是虛過  
今春有媿斜川得意人

又

得金陵報喜甚  
從趙景修借酒

揉花催柳一夜陰風幾破牖平曉無雲依舊光  
明一片春 掀衣起走欲助喜歡須是酒惆悵  
空樽擬就王孫借十分

天門謠

次韵賀方回登  
采石蛾眉亭

方回詞云牛渚天門險限南北七雄豪占清  
霧歛與閑人登覽 待月上潮平波灩灩塞  
管輕吹新阿濫風滿檻歷歷數西州更點

天塹休論險盡遠目與天俱占山水歛稱霜晴  
披覽正風靜雲閑平瀲灩想見高吟名不濫  
頻扣檻杳杳落沙鷗數點

好事近

與黃魯直於當塗花園石洞聽楊  
妹彈履霜操魯直有詞因次韵

魯直詞云一弄醒心絃情在兩山斜疊彈到  
古人愁處有真珠承睫使君來去本無心  
休淚界紅頰自恨老來憎酒負十分蕉葉

相見兩無言愁恨又還千疊別有惱人深處在



情騰雙睫 七絃雖妙不須彈  
惟願醉香頰 只恐近來情緒似風前秋葉

又

春到雨初晴 正是小樓時節  
柳眼向人微笑 傍闌干堪折  
暮山濃淡鎖煙霏 梅杏半明滅  
玉笋莫辭沉醉 歸時斜月

又

再和

上盡玉梯雲 還見一番時節  
惆悵舊時行處 把

青青輕折 倚闌人醉欲黃昏  
飛鳥望中滅 天面碧琉璃  
上印彎彎新月

浣溪沙

和人喜雨

龜坼溝塍草壓隄 三農終日望雲霓  
一番甘雨報佳時 聞道醉鄉新占斷  
更開詩社 口排巖此時空恨隔雲泥

又

雨暗軒窗晝易昏 強欹纖手浴金盆  
却因涼思

古溪詞

汲古閣

謝飛蚊 酒量羨君如鵠舉寒鄉憐我似鷗蹲  
由來同是一乾坤

又

聲名自昔猶時鳥日月何嘗避覆盆是非都付  
鬢邊蚊 邂逅風雷終有用低回藪檻要深蹲  
酒中聊復比乾坤

菩薩蠻

五雲深處蓬山杳寒輕霧重銀蟾小枕上挹餘

香春風歸路長  
雁來書不到人靜重門悄一  
陣落花風雲山千萬重

又

青梅又是花時節粉墻閑把青梅折玉鐙偶逢  
君春情如亂雲藕絲牽不斷誰信朱顏換莫  
厭十分斟酒深情更深

雨中花令

休把身心攪就著便醉人如酒富貴功名雖有

姑溪詞

二十六

汲古閣

味畢竟因誰守  
看取刀頭切藕厚薄都隨他  
手趁取日中歸去好莫待黃昏後

又

王德循東  
空瑞香花

點綴葉間如繡開傍小春時候莫把幽蘭容易  
比都占盡人間秀  
信是眼前稀有消得千鍾  
美酒只有些兒堪恨處管不似人長久

留春令

夢斷難尋酒醒猶困那堪春暮香閣深沉紅窗

翠暗莫羨顛狂絮  
綠滿當時攜手路  
嬾見同歡處  
何時却得低幃昵枕  
盡訴情千縷

踏莎行

紫燕銜泥黃鸝喚友  
可人春色暄晴晝  
王孫一去杳無音  
斷腸最是黃昏後  
寶髻慵梳玉釵  
斜溜凭闌目斷空  
回首薄情可

□  
□  
□  
□

端叔趙郡人辟為中山幕府因代范忠宣

姑溪詞

二十七

溪古閣

作遺表得罪編置當塗即家烏自號姑溪  
居士客春從玉峰得姑溪詞一卷凡四十  
調共八十有八閱惜卷已磨滅行爲鼠所  
損耳中多次韻小令更長於淡語景語情  
語如鴛衾半擁空床月又如步嬾恰尋床  
卧看遊絲到地長又如時日漫手心頭熨  
受盡無人知處涼即置之片玉漱玉集中  
莫能伯仲至若我住長江頭君住長江尾

日日思君不見君  
共飲長江水直是古樂  
府俊語矣叔陽不列之南渡  
諸家得無遺珠之恨耶  
古虞毛晉識



姑  
溪  
詞

終